

【法眼淨】（科註第一一〇一頁倒數第二行）

《佛學大辭典》：（術語）分明見真諦謂之法眼淨。通於大小乘言之。小乘為於初果見四真諦之理，大乘為於初地得無生法忍。（下略）

【四諦】（科註第一一〇一頁倒數第一行）

《三藏法數》「四諦——藏教生滅四諦」條：「出天台四教儀集註」

藏教者，經律論三藏之教也。生滅者，此教詮因緣生法，有生有滅也。四諦者，諦即審實之義，謂聲聞之人，用析空觀，諦審苦集滅道之法一一不虛，是名藏教生滅四諦。（因緣生法者，六根為因，六塵為緣。根塵相對所起之心，名為生法。析空者，析即分析，謂分析五陰等法皆空也。）

一苦諦，苦即逼迫之義，有三苦八苦。總而言之，不出三界生死。聲聞之人諦審生死實苦，故名苦諦。

二集諦，集即招集之義。謂聲聞之人，諦審煩惱惑業，實能招集生死之苦，故名集諦。

三滅諦，滅即寂滅。謂聲聞之人，既厭生死之苦，諦審涅槃，實為寂滅之樂，故名滅諦。

四道諦，道即能通之義。謂聲聞之人，諦審戒定慧之道，實能通到涅槃，故名道諦。

【九十八結漏】（科註第一一〇二頁第六行）

《佛學大辭典》「結漏」條：（術語）結與漏皆煩惱之異名。煩惱繫縛心身，故云結，煩惱從眼耳等六根日夜漏泄，故云漏。

撰集三藏傳曰：「阿難爾時，坐一樹下，滅結漏盡。」

《佛學次第統編》「九十八使」條：

由見思二惑，分別三界有九十八使。九十八使，即九十八隨眠。謂見惑八十八使，思惑十使。

一、見惑八十八使：謂欲界三十二，色無色界各二十八，成八十八也。

一、欲界三十二：謂苦下十，集滅下各七，道下八，成三十二也。

（一）苦下十：貪、瞋、癡、慢、疑、身、邊、見、取、戒。

（二）集下七：貪、瞋、癡、慢、疑、見、取（缺身、邊、戒）。

（三）滅下七：貪、瞋、癡、慢、疑、見、取（缺身、邊、戒）。

（四）道下八：貪、瞋、癡、慢、疑、見、取、戒（缺身、邊）。

二、色界二十八：謂苦下九，集下六，滅下六，道下七，成二十八也。

（一）苦下九：貪、癡、慢、疑、身、邊、見、取、戒（缺瞋）。

(二) 集下六：貪、癡、慢、疑、見、取（缺瞋、身、邊、戒）。

(三) 滅下六：貪、癡、慢、疑、見、取（缺瞋、身、邊、戒）。

(四) 道下七：貪、癡、慢、疑、見、取、戒（缺瞋、身、邊）。

三、無色界亦二十八，同於色界。

二、**思惑十使**：謂欲界下四，色無色界下各三，而成十也。

一、欲界下四：貪、瞋、癡、慢。

二、色界下三：貪、癡、慢。

三、無色界下三：貪、癡、慢。